

جریدہ علیہ

مشقت جلیلہ اسلامیکہ جریده رسمیه سید

۹ جمادی الاخری ۱۳۳۸ و ۲۹ شباط ۱۳۳۶

شعبی سنہ

اون بش کونده بر نشر اولنور

عدد ۵۵

دارالحکمة الاسلاميه ششره تشکيلاتی

طربزون ولايتی مرکز مفتیلکنندن وارد اولان تحریراتده تعلیماتنامه موجبجه تشکل ایدن دارالحکمة انجمن علمیی طرفدن اهالینک هر صورتله صلاح احواله دائر موعظه لر ایرادی و بیاننامه ایله اخلاق ذمیمه و منکراتک منع و شیوعی حقنده تشبثات نافعهده بولندیفی بیلدیرلش و اهالی یه نشر ایدیلان بیاننامه اهمیتنه بناءً بروجه آتی درج اولمشدر :

دارالحکمة الاسلاميه طربزون انجمنندن :

ای اخوان دین :

مصیتلر انسانلری آیلیمق ایچون برر الله قیرباجیدر . الله آیلتمق ایستدیکی قوللرینی اکثریا بو قرباجلرله آیلئتور . بزلر ایسه ارتق انصاف ایدلم شو برقاچ سنه دنبری ییدیکمز قرباجلریمدی؟ ایچون آیلهمیورزیوقسه آیلیمق استعدادینی غیب می ایشمز؛ اویله ایسه وای حالزده . ای اخوان دین : آیلهم آیلهمده درد مزه بر چاره آرایهم یوقسه تهله که عظیمدر . عاقبت وخیمدر . الله تبارک و تعالی حضرتتلینک بر اصولی ، بر قانونی واردرکه بو اصول ، بوقانون انسانلر اوزرنده هر زمان حاکمدر هیچ بر زمان حکمنه خلل کلز شویله که او خالق متعال طوغری یولدن چیقان آکری بوکری یوللره صپان قوللرینی تکرار یوله کتیرمک ایچون برآز قرباجلار یعنی اوزرلرینه برآز مصیتلردوکر . اگر آیلوب توبه کار اولورلر ، ینه طوغری یولی بولورلرسه ، کمال کرمندن انلری ینه لطف الهیسنه مظهر ایلر یاره لرینی مرهملر ، فقط آیلمزلرسه ، ینه بیلدکلرندن شامازلرسه ، حفظنا الله اوزرلرینه الک شدتلی عذابلرینی یاغدییر .

(ان بطش ربک لشدید)

ایشته بو برقانون ازلی درکه دنیا بوزولسه بو بوزولماز بتون کائنات دیکشسه بودکشماز . حکمی ازلدن بری هر نه ایسه بوکونده ینه اودر . یارینده اودر . قیامته قدرده اودر . تادور آدمدن بدأ ایله بوکونه قدر یر یوزنده برچوق پارلاق پارلاق دورلر ، شانلی شانلی سلطنتلر کوزوب کچیردکدن صکره محو و منقرض اولمش نه قدر ملتله ، امتلر وار ایسه هپسیده

یوصورتله انقراض بولشلردر. بوبر حقیقتدرکه برنجی شاهدی قرآن عظیم الشان ، ایکنجی شاهدی ده تاریخ عالدرد .

ای اخوان دین : ایشته اللهم قهرینه اوغرایه رق و قتیله محو ومنقرض اولان ملتله آزعقلری طاشقینقلری بوکون اسفلر اولسونکه بزدهده کورلمسکده در . معهود قیر باجلرده اوزریمزه یاغمقدردر آرتق زمان فوت ایتمکه کلز ، آیلهم علقمزی باشمزه طولایه لم ، یولمزی طوغرولده لم ، یوقسه عاقبت معلوم . یولمزی طوغرولتمق آنجق آنجق دینمزه صارملقه اوله جقدر . بناءً علیه صاریلهم کتابمک احکامنه کرچکدن واقف اولان علمای دینی بوله لم . یکیدن دیرلمک چاره لرینی بولردن صوروب اوکره نه لم ، بولمزی دینی بوتون ارباب حمتیمزه برلشدیره لم ، دین و ملتیمک سسلاقم ایچون نه یاییلمق لازمکه جکئی برلکده دوشونولم ، بوله لم ، قرارالله آله لم ، صکرده الاله و یروب متوکلاً علی الله ایشته باشلايه لم ، یعنی مقدس دینمک احکام علیه سنه یایشه لم .

دیانت یر سلسبیل حیاندردرکه برنجی کوزمسی [*] جامعلر ایکنجی کوزمسی مدرسه لردر ایلک اوکجه بولمزی احیا ایدم . جامعلریمز ، مدرسه لریمز یر خرابه زار شکلی المشدرد . اللهم دن قورقالم یار واغیاردن اوتانه لم ، بولمک نقصانلری نی ملاملايه لم . جماعتلری ، طلبه لرینی آرتیره لم . دین و ایمان دو یغولری دماغلریمز حقیله آشیلايه جق واعظله ، تاصحله ، بوله لم ، تیشدیره لم . بولردن الا جغمز جانلی جانلی نصیحتلری جان قولاغیله دیکلیه لم ، جان اوینه برلشدیره لم ، یکیدن جان بولمغه سعی ایدم ، جامعلری اولیان کویله جامعلر انشایی ایچون اقتصا ایدن مادی و معنوی معاونتلری اسیرکه میه لم . سائر ملتله باقوب عبرت آله لم . هیچ برکوبی خواجه سز امام سز براقیه لم . چونکه بولمک اخلاق خسته لقلرینک اک برنجی طیبیدرله . بزم بوکی خسته لقلریمز آنجق بولمک علاجلریله شفا بولور ، بولمک علاجلری قرآن کریمک تعریفی وجهله ترتیب ایدرله . قرآن کریم شفالر سرچشمه سیدر .

(ونزل من القرآن ما هو شفاء)

اخلاق خسته لقلری درلو درلودر . اکمه لکلی عشرت ، زنا ، قتل ، قمار ، سرقت ، شقاوت کی مسلمانلق حیاتی جدأ محو ایده جک اولان رزیتلردر . بز دینمزی ، دینداشلریمز ، لاف ایله دکلده ؛ کرچکدن سویور ایسه ک جمله دن اول شوممه لک خسته لقلرک دفنی ، ازاله سی چاره لرینی دوشوملی زیوقسه ییهوده مسلمانلق دعواسی کورمیه لم ومن الله التوفیق

— بیاننامه —

دنیاده و آخرتده برات نجاتمز اولان قرآن کریمک زمان نزولی اولمق اعتباریلده قدر
و شرفی پک بیوک اولان رمضان شریفی غنیمت بیلهرک و فرائض سائرہ ایله برابر صیامی
التزام ایدرک جناب واجب الوجودک غفران سبحانسی استجلاب ایلک هر مؤمن و موحدهک
بویتنه بورجدر . بناءً علیه فریضه صومی ایفا ایتیمان مسلمانلر آخرتده شدیداً معاتب
اوله جقلری کبی دینی دین اسلام اولان حکومت عثمانیه طرفندن حققرنده معامله تأدیییه
اجرا قلنه جقدر .

طربزون مرکز مقیم

والسلام علی من اتبع الهدی

